

Alaymu :

- Kkes-d deg yimyagen yellan deg uḍris ara d-yasen:

1. Amatar udmawan , tiniḍ-d anwa udem i d-yeskan .
2. Askim (Ticredt n tmezri).

Tamegra

Mi wwan yirden d temẓin, uyalen d iwayen, qquren, ad ten-megren ; da, deg udrar, imi ur teǧhid ara tfellaht, kul wa meḥsub imegger ayla-s i yiman-is ; ma yesɛa afellaḥ ad meawanen, ma ulac, ad imegger cwiṭ cwiṭ alamma yekfa yiger-is ; xaṭi n win yettawin imestujar, axaṭer ulac aṭas n tmegra.

Wid yesɛan tafellaht deg uzayar, izereen sin, tlata n yiɛerqab, ur zmiren ara ad sellken tamegra weḥd-sen ḥacama yettuqet lyaci yer-sen, sɛan rebɛa ney xemsa n yirgazen, sin ney tlata n yifellaḥen ; meena tṭaqa d wid yettawin imestujar ney timestujar.

Wid imeggren deg uzayar ttenkaren ssbeḥ zik, tuddna n ccix ; ad refden imegran-nsen, ad rren lemḍellat yef yiqerra-nsen, ad ruḥen ; ilaq-asen ad awḍen yer umkan uqbel ad yali wass ; akken ara awḍen s aɛerqub, ad bdun tamegra i tesmeḍ ; ad meggren alamma d azal, ad ruḥen ad qeyyen ; ad yay lḥal yewweḍ-iten-id yimekli ; yewwi-yasen-d bab n tfellaht aḥellab n tṭeam d yibawen ; ad t-ččen i yimekli ; mi kfan aqeyyal, yerrez yitij, d azuzwu, ad kkren ad ččen tanalt, ayrum d tazart, ad uyalen yer tmegra alamma d lmeɣreb, ad ruḥen imir-nni s axxam.

Leɛwam-a ur tṭuqten ara yixeddamen yer-neɣ ; aṭas n yirgazen a la yettruḥun yer lyerba ; d tilawin a la iteddun d timestujar ; d tuǧǧal, d tigellilin, d tid ur nesei ara lwali ; tamegra-nsent ur telhi ara am tin n yirgazen ; degmi tent-ttxellisen s rrxax.

Win ur neḥdir ara i tmegra deg uzayar, ad iɛud d akellex kan ; mi ara yili telha terbaet n wid imeggren, yella wara tferrǧeḍ deg-sen ; ttemɛanaden aniwa ara d-ixedmen aṭas n ccɣel ; llan wiyiḍ deg-sen meggren azal n sin n yixeddamen ; mi ruḥen ɣyan, ad yebdu walbeḍ deg-sen ddker ; ad neqqen imir-nni ddker-nni yef tikelt ; ad twaliḍ ukin-d akk, yekfa-yasen ɛeyyu-nni ; win ijeḥden amger yiwen n ubrid, sin, ad twaliḍ yeččur afus-is ; bihfih ad icudd tadla ; ad tt-ideyyer yer deffir-s ; ala tadliwin ara twaliḍ deg lqaa ; tikwal mi ara yili tella tziri, deg yiḍ ay truḥun yer tmegra ; ad megren s tṭul n yiḍ alamma iruḥ yuli wass ; ad d-uyalen s axxam ad tṭsen.

Tamegra deg uzayar, mačči am tin n udrar ; mi ara yili ur uḥwaǧen ara adellas, ur meggren ara irden yef wakal, ttaǧǧan aṭas imeylel ; mi kfan tamegra kessen din izgaren ney tṭhuccun-t d lxemla.

[D ukkis seg“Picard, A. (1958), *Textes berbères dans le parler des Irjen (Kabylie–Algérie)*, Imprimeries La Typo-Litho et Jules Carbonel, Alger”, sb. 161]